

## 31. gr.

**Samstarf við ríkisútvarpið.**

Náið samstarf skal vera milli þjóðleikhússins og ríkisútvarpsins. Þjóðleikhúsið lætur ríkisútvarpinu í té leikrit til flutnings, eftir því sem samkomulag verður um milli þjóðleikhússtjóra og útvarpsráðs. Starfsmönnum þjóðleikhússins ber ekki sérstök þóknun fyrir slíkan flutning.

## 32. gr.

**Notkun hússins til annars en leiksýninga.**

Þegar leikhúsið er ekki notað til leiksýninga, má nota það til hljómleikahalds og kvikmyndasýninga.

## 33. gr.

**Reikningsskil.**

Þjóðleikhússtjóri lætur gera rekstrar- og efnahagsreikninga þjóðleikhússins, er sýni ljóslega fjárhag stofnunarinnar og einstakra starfsgreina.

Reikningana, ásamt fylgiskjölum, skal senda aðalendurskoðanda ríkisins til endurskoðunar. Samrit reikninganna skal samtímis senda menntamálaráðuneytinu.

## 34. gr.

**Rekstrarsjóður.**

Verði tekjuafgangur af rekstri þjóðleikhússins, skal hann lagður í rekstrarsjóð þess. Verði rekstrarhalli, skal hann greiddur úr rekstrarsjóði þjóðleikhússins. Með rekstrarkostnaði leikhússins telst allur kostnaður við þjóðleikhúsbygginguna, eftir að hún er fullgerð. — Ríkissjóður ber ekki ábyrgð á skuldbindingum þjóðleikhússins, og þjóðleikhúsbyggingin stendur ekki til tryggingar skuldbindingum þess.

Reglugerð þessi, sem sett er samkvæmt 13. gr. laga nr. 86 5. júní 1947, um þjóðleikhús, öðlast þegar gildi.

*Í menntamálaráðuneytinu, 23. september 1949.*

**Eysteinn Jónsson.**

*Birgir Thorlacius.*

**G J A L D S K R Á****fyrir Rafveitu Hafnarfjarðar.****I. RAFORKA**

Rafveita Hafnarfjarðar selur raforku á þann hátt og við því verði, sem hér segir:

**A. Lýsing.**

1. Um kwst.mæli á kr. 1.00 hver kwst.
2. Um kwst.mæli á 35 auru hver kwst., auk fastagjalds, er nemi kr. 5.00 á ári af hverjum fermetra gólfflatar, er lýsa skal. Þar, sem gólfpletir eru tiltölulega stórir, miðað við ljósmagn, er heimilt að veita afslátt á fastagjaldi samkvæmt reglum, er rafveitustjóri setur. Minnsta fastagjald skal þó vera kr. 125.00 á ári.

**B. Almenn heimilisnotkun.**

163

Um einn kwst.mæli fyrir alla notkun á heimilinu á 20 aura hver kwst., og auk þess fastagjald, kr. 30.00 á ári fyrir hvert herbergi, sem ætlað er til íbúðar, og eldhús, en ekki ganga, baðherbergi eða geymslur. Heimilt er að miða fastagjald við gólfflöt, og skal þá greiða kr. 3.60 af hverjum fermetra.

27. sept.

**C. Vélanotkun.**

1. Um einn kwst.mæli, þannig:

Fyrir fyrstu	1000 kwst.	ársnotkun	70	aurar	hver	kwst.
— næstu	2000	—	—	60	—	—
— þar næstu	4000	—	—	50	—	—
— — —	8000	—	—	40	—	—
— — —	15000	—	—	30	—	—
— umfram	30000	—	—	20	—	—

2. Um mæla, þannig reiknað:

160 kr. árskw.	fyrir fyrstu	50 kw.
130 — —	— næstu	50 —
100 — —	— umfram	100 —

Auk þess greiðist kwst.gjald, er reiknast þannig, miðað við eitt ár:

Fyrstu	200000 kwst.	á 7	aura	hver	kwst.
Umfram	200000	—	—	6	— — —

**D. Hitun.**

- Til upphitunar húsa, enda sé rafmagnsupphitun aðalupphitun hússins, um sér-mæli fyrir hitalögnina:
  - Á 20 aura hver kwst.
  - Á 12 aura hver kwst., enda megi þá rjúfa strauminn í eina klst. um hádegið.
  - Á 10 aura hver kwst., enda megi þá rjúfa strauminn í allt að 3 klst. á dag, á tímum mesta álags rafveitunnar, um hádegið og síðdegis, en þó eigi lengur en eina og hálf klst. í senn.
  - Á 5 aura hver kwst. næturnotkunar, er fer fram frá kl. 22 til kl. 8, enda sé notuð eingöngu, eða því nær eingöngu, næturrafmagn til upphitunar hússins. Önnur skilyrði fyrir raforkusölu til húshitunar:
    - Að vélaafl, götulínur og spennar þoli álagið, að dómi rafveitustjóra.
    - Að notandi kosti tengingu klukkurofa og greiði leigu fyrir hann samkvæmt reglum, sem gilda fyrir leigu mæla.
    - Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.
- Til hitunar í handiðn, iðnaði eða atvinnurekstri um tveggjaldsmæli, á 8 aura hver kwst. frá kl. 22 til kl. 8 og á 40 aura hver kwst. frá kl. 8 til 22.

**E. Önnur notkun.**

- Rafveitustjórn er heimilt að veita afslátt frá framangreindum verðlagsákvæðum á liðum A og D á orku, sem notuð er á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.
- Til nota við vinnulagnir við byggingar, meðan á byggingu stendur, um kwst.-mæli á 70 aura hver kwst.

- 163  
27. sept.
3. Gjöld fyrir götu- og hafnarlýsingu ákveður bæjarstjórn eftir tillögu rafveitustjórnar.
  4. Þegar sérstaklega stendur á, má rafveitustjóri selja raforku eftir sérstökum samningi í hvert skipti, þó eigi lengur en til eins árs í senn, nema til komi samþykki rafveitustjórnar.

## II. MÆLALEIGA

Rafveitustjóri ákveður stærð og gerð mælitækja, sem nota skal fyrir veitu hverri. Heimilt er að taka leigu fyrir mælitæki, er nemur allt að 20% af meðalverði hvernar tegundar.

## III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, er miðast við brunabótamat á húsum og mannvirkjum á þann hátt, sem hér segir: Fyrir jarðlínuheimtaug:

Grunngjald kr. 600.00 og auk þess  
0.8% af brunabótamati upp að 200 þúsund kr.  
og 0.2% af brunabótamati umfram 200 þúsund kr.

Fyrir loftlínuheimtaug:

greiðist 70% af heimtaugargjaldi fyrir jarðlínuheimtaug.

Þar, sem brunabótamat er gamalt, skal heimtaugargjaldið miðað við umreiknað brunabótamat, eftir vísitölu byggingarkostnaðar, er Hagstofa Íslands reiknar út.

Sé lengd jarðlínuheimtaugar meiri en 15 m, loftlínuheimtaugar meiri en 40 m og/eða gildleiki víra meiri en  $3 \times 70$  qmm., skal húseigandi kosta það, sem þar er fram yfir. Standi sérstaklega á, eða séu óvenjulegir örðugleikar við lagningu heimtaugar, má krefjast sérstaks endurgjalds af húseiganda, en gera skal honum aðvart um það fyrir fram.

Ef lagðar eru fleiri en ein heimtaug að húsinu, skal greiða allan kostnað við síðari heimtaugar eftir reikningi.

Heimtaugargjald fellur í gjalddaga þegar er lokið er lagningu heimtaugar.

## IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduopnun, 20 krónur.
2. Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur fyrr en notandi hefur greitt 20 krónu gjald á skrifstofu rafveitunnar.

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins, enda sé breytingin auglýst í Lögbirtingablaðinu áður en til hennar kemur.

Gjaldskrá þessi, sem bæjarstjórn Hafnarfjarðarkaupstaðar hefur samið og samþykkt, staðfestist hér með samkvæmt vatnalögum, nr. 15 20. janúar 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá fyrir rafveitu Hafnarfjarðar, nr. 47 28. febrúar 1947, ásamt síðari breytingum á henni.

163  
27. sept.

*Atvinnumálaráðuneytið, 27. september 1949.*

**Bjarni Ásgeirsson.**

*Þorv. K. Þorsteinsson.*

## REGLUGERÐ

164  
7. okt.

### um barnavernd í Húsavík.

#### 1. gr.

Í umdæmi barnaverndarnefndar Húsavíkur er bannað að selja börnum og ungl-  
ingum innan 16 ára aldurs tóbak, gefa þeim það, eða stuðla að því að þau neyti þess.

#### 2. gr.

Bannað er að selja börnum spýtubrjóstsykur og aðrar þær sælgætisvörur, sem  
að dómi héraðslæknis og barnaverndarnefndar geta talizt óhollar börnum og ungl-  
ingum.

#### 3. gr.

Engar leiksýningar, kvikmyndasýningar eða aðrar opinberar skemmtanir, sem  
börnum og ungl-  
ingum er ætlaður aðgangur að, má halda, nema barnaverndarnefnd  
hafi verið gefinn kostur á að kynnast efni þeirra, og ákveður hún þá, að því athug-  
uðu, hvort börnum og ungl-  
ingum skuli leyfður aðgangur að þeim.

#### 4. gr.

Börnum á barnaskólaaldri er bannað að vera á almannafæri eftir klukkan 21,  
og ungl-  
ingum innan 16 ára eftir klukkan 22, á tímabilinu frá 1. sept. til 30. apríl,  
nema í fylgd með aðstandendum eða af atvinnuástæðum.

Foreldrum eða aðstandendum barnanna ber að sjá um, að ákvæðum þessum  
sé framfylgt.

#### 5. gr.

Brot gegn reglugerð þessari varða sektum og skal farið með mál þeirra vegna  
eins og fyrir segir í barnaverndarlögunum.

Reglugerð þessi staðfestist hér með samkvæmt 2. gr. laga nr. 76 frá 19. júní 1933,  
um breyting á lögum nr. 43 frá 1932, um barnavernd, til þess að öðlast þegar gildi,  
og birtist til eftirbreytni öllum þeim, sem hlut eiga að máli.

*Dómsmálaráðuneytið, 7. október 1949.*

F. h. r.

**Gústav A. Jónasson.**

*Ragnar Bjarkan.*